

### § 1 Namn og selskapsform

Føretaket sitt namn er Herand Vasslag SA. Føretaket er eit samvirkeføretak drive i samsvar med lov om Samvirkeføretak av 29. juni 2007 nr. 81 (**Samvirkelova**).

Føretaket har vekslende medlemstal og kapital.

Føretaket har sitt forretningskontor i Jondal kommune. Medlemene heftar ikkje for føretaket sine forpliktingar utover innskoten andelskapital.

### § 2 Formål

Vasslaget skal syte for tilfredsstillande vassforsyning i vassverket sitt naturlige område til husbruk og næringsføremål. Føretaket bygger ut anlegg med hovud- og stikkleidningar med nødvendige brannvatn-uttak fram til avtalte tilknytingspunkt for medlemene sine private vassleidningar. Private vassleidningar skal byggjast og vedlikehaldas av medlemene, men vasslaget fastset kvalitetskrav som må oppfyllest for å få knyte seg til vasslaget sitt leidningsnett. **Medlemmen må sjølv koste stikkleidning frå hovudleidningens koplingskum.**

### § 3 Medlemskap/Andelskapital

Einkvar som er einig i føretaket sitt formål, som godtek føretaket sine vedtekter og som eig ein eigedom som kan knytast til vasslaget sitt leidningsnett, har rett til å bli medlem i føretaket mot å betale tilknytingsavgift. Laget skal drivast etter sjølvkostprinsippet med allmennyttige formål som basis.

Eventuelt årsoverskot skal leggst til føretaket sin allmenne eigenkapital.

Det skal ikkje betalast renter på innskoten andelskapital eller utdelast utbytte til medlemmane.

**Når det gjeld satsar for årsavgift og tilkoplingsavgift, vert det vist til gjeldande årsmøte-vedtak.**

Utmelding frå føretaket skal skje skriftleg og med 3 – tre månaders varsel.

Andelsinnskotet tilbakebetalast ikkje ved utmelding.

### § 4 Rettar og plikter

Medlemmane skal betale eit årsavgift. Storleiken på årsavgifta vert fastsett av årsmøtet etter framlegg frå styret. Årsavgifta skal dekkje dei årlege driftsutgiftene, renter og avdrag på gjeld, tilsyn og vedlikehald samt avskrivingar av anleggskapitalen. Styret fastset kva tid årsavgifta skal vere innbetalt. Vert ikkje årsavgifta betalt i rett tid, kan styret, etter varsel til medlemmen som ikkje har betalt, vedta å stengje vatnet for vedkomande eigedom.

Ved vidaresal av ein eigedom, skal medlemsskapet følgje eigedomen saman med rettar og plikter. Krav på ubetalt årsavgift eller andre krav kan såleis rettast mot nytt medlem og eigar av eigedomen. Den tidlegare medlemmen held likevel frem med å hefte for sine økonomiske skyldnader overfor føretaket.

Kvart medlem har plikt til å godta at vassleidningar vederlagsfritt vert lagt over eigedommen sin, men vasslaget skal syte for at den vert til minst mogeleg skade for grunneigaren. Vasslaget har ikkje noko ansvar for driftsstopp eller skade som følgje av lekkasje eller stopp i vassforsyninga.

### **§ 5 Føretaket sine organ**

Årsmøte er føretaket sitt øvste organ og er ope for alle medlemmar. Årsmøtet skal velje styre på 5 medlemmar med 2 varamedlemmar. Medlemene veljast for to år. Styrets leiar veljast av årsmøtet ved særskilt val. Leiar vert valt for 1 år. Styrets leiar, to styremedlemmar og eit vara medlem står på val det eine år, to styremedlemmer og to varamedlem det andre året. Styret konstituerer seg sjølv og vel nestleiar.

### **§ 6 Leiing av føretaket**

Styret skal leie føretaket si verksemd i samsvar med Samvirkelovas bestemmelsar, vedtektene og dei reglar elles som årsmøtet fastset.

Styret er vedtaksfør når 3 styremedlemmer møter. Eit styrevedtak krev at fleirtalet av dei styremedlemmar som er med på behandlinga av ei sak, har røysta for. Det skal først møtebok. Styreleiar har signatur for laget. Formann fungerer som dagleg leiar.

### **§ 7 Årsmøte**

Styret innkallar til årsmøtet, og styreleiar leier møtet. Kvart medlem har berre ei røyst, uavhengig av andelsinnskotet sin storleik. Innkalling til årsmøte (både ordinært og ekstraordinært) skal kunngjerast ved oppslag 14 dagar før møtet. Det skal først protokoll frå møtet.

Saker som medlemmane ynskjer å fremje må vere komne til styret seinast 28 dagar før årsmøtet. Styret skal førebu sakene som skal handsamast på årsmøtet. Sakene vert avgjorde med vanleg fleirtal, om ikkje anna er fastsatt i Samvirkelova. Står røystetalet likt, gjeld det som møteleiaren sluttar seg til.



Ekstraordinært årsmøte vert halde når styret eller minst 1/10 av medlemmane krev det skriftleg for å få tatt opp eit klart oppgitt emne.

Ordinært årsmøte skal haldast kvart år innan 1. juni.

Ordinært årsmøte skal behandle fylgjande saker:

1. Godkjenning av innkalling og sakliste
2. Val av referent for årsmøtet
3. Styret si årsmelding
4. Revidert rekneskap
5. Val av formann , styremedlemer ,vamedlemer
6. Fastsetjing av tilkoblingsavgift og årsavgift.
7. Andre saker som er tatt med i innkallinga.

### **§ 8 Oppløysing**

Vedtak om å løyse opp føretaket kan avgjerast med 2/3 fleirtal når minst halvparten av luteigarane er til stades. Er ikkje møtet vedtaksført, må det haldast ekstraordinært årsmøte, og på dette møtet vert saka avgjord av 2/3 fleirtal av dei avgitte røystene.

Når det er vedteke å oppløyse føretaket, skal årsmøtet velje eit avviklingsstyre på tre medlemar og to vamedleamar som trer inn i staden for styret og dagleg leiar. Avviklingsstyret skal gjennomføre avviklinga i tråd med reglane i kapittel 10 i Samvirkelova.

Ved avvikling av føretaket har medlemmane ikkje rett til å få utbetalt verken andelsinnskott eller inneståande på eventuell medlemskapitalkonto, jf. samvirkelova § 135, 3. ledd.

Attverande midlar i føretaket etter at skulda er dekte skal gå til Almennyttige føremål.

### **§ 9 Tvisteløysing**

Alle tvistar mellom Herand Vasslag SA og laget sine medlemmar skal søkjast løyst ved forhandlingar. Fører forhandlingar ikkje fram skal saka løysast ved dei ordinære domstolane.